

辨證錄卷之十一

山陰陳士鏗敬之甫號遠公爰號朱華子著述

會稽陶式玉齋白甫號存齋又號

參訂

婦人科

帶門

婦人有終年累月下流白物如涕如唾不能禁止甚則臭

穢所謂白帶也夫帶是淫病以帶名者因婦人有帶脉

不能約束故以帶名之帶脉通於任督之脉任督病而

帶脉亦病帶脉者所以束帶胎之係也婦人無此則難



以繫胎故帶脉弱而胎易墮若損傷帶脉則胎必不牢

然帶脉損傷非獨跌閃挫氣也行房過於縱送飲酒出

於顛狂雖無疼痛之苦其中暗耗則白物自下故帶病

尼師寡婦出嫁之女多處子在閣未破瓜之女少也

室女天稟虛弱者亦有此病况加之脾氣之虛肝氣之

鬱溼氣之侵火氣之逼安得不患此症哉夫溼盛火衰

肝鬱脾虛則脾土受傷溼土之氣下陷是以脾精不守

不能化爲榮血變成白滑之物由陰門直下欲自禁止

而不可得也治法宜大補脾胃之氣少佐之舒鬱之味

使風水不閉塞於地中則地氣自升騰於天上脾氣健而溼氣自消方用完帶湯白朮一兩蒼朮三錢甘草一錢車前子三錢山藥一兩陳皮五分人參二錢白芍五錢柴胡六分荆芥五分半夏一錢水煎服二劑輕四劑止六劑全愈此方脾胃肝三經同治之法寓補於升寄消於散開提肝木之氣則肝血不燥何致下尅於脾土補益脾土之元則脾經不溼何難分消夫水氣至於補脾而兼補胃者脾胃表裏也脾非胃氣之強則脾不能旺補胃正所以補脾耳

此症用東帶

湯亦效

雞冠花一兩白朮一兩水煎

二劑卽愈鮮雞冠花三兩

婦人有帶下色紅者似血非血所謂赤帶也赤帶亦淫病

火熱之故也惟是帶脉係於腰臍之間近於至陰之地

不宜有火不知帶脉不通腎而通肝婦人憂思以傷脾

又加鬱怒以傷肝於是肝火內熾下尅脾土而脾土不

能運化溼熱之氣蘊結於帶脉之間肝火焚燒肝血不

藏亦滲入於帶脉之內帶脉因脾氣之傷約束無力溼

熱之氣隨氣下陷同血俱下觀其形象似血非血其實

血與溼俱不能兩分之也。世人以赤帶屬之心火者，慢耳。治法清肝中之火，扶其脾氣，則赤淋庶幾少愈。方用清肝止淋湯為藥一兩，當歸一兩，阿膠三錢，生地五錢，丹皮三錢，黃柏一錢，牛膝二錢，黑豆一兩，香附一錢，紅棗十枚，水煎服。一劑少止，二劑又少止，四劑全止，十劑不再發。此方但去補肝之血，全不利脾之溼者，以赤帶之病火重而溼輕也。夫火之所以旺者，由於血之衰也。補血足以制火矣。且水與血合成赤帶，竟不能辨其是溼而非溼，則溼盡化為血矣。所以治血可也，何必利。



澤哉此方純治血少加清火之味故奏功獨奇倘一利
其溼反引火下行轉難遽效耳或問先前言助其脾生
今但補肝木之血絕不補脾土之氣何也不知用芍藥
以平肝則肝氣得舒自不去尅脾土是補肝正所以扶
脾何必加人參白朮之多事哉

此症用黃白牛

車散亦效

牛膝一兩車前子三錢黃柏二

錢白芍一兩水煎服四劑愈

婦人有帶下而色黑者甚則下如墨汁其氣最腥人以下
寒之極也誰知是火熱之極乎夫火色宜紅何成黑色

不知火極似水乃假象也其症必然腹痛小便時必如
刀觸陰門必發腫面色必紅久則黃瘦飲食兼人口必
大渴飲水少覺寬快此命門之火與膀胱三焦之火合

胃火又旺四火同煎安得不熬乾成炭色耶此等之症

不致發狂者以腎水與肺金之氣涓涓不絕足以潤心

而濟胃耳所以飲水下胃但成帶下之症火結於下而

不炎於上也治法惟以瀉火爲主火退而溼熱自舒也

方用利火湯大黃三錢白朮五錢茯苓三錢車前子三

錢王不留行三錢劉寄奴三錢黃連三錢炒梔子三錢



石膏五錢知母二錢水煎服一劑小便大利二劑黑帶
變爲白帶矣三劑白帶亦少減去一半再服三劑全愈
此方未免過於迅利殊不知火盛之時用不得依違
法救焚而少爲迂緩則火勢延燒不盡不止今用黃連
石膏知母梔子一派寒涼瀉火之味入於大黃之中則
迅速掃除又得王不留行與寄奴之味利溼甚急俱無
停住之機佐白朮車前子茯苓成旣濟之功也

此症用清帶
湯亦效

炒梔子三錢黃柏三錢甘草一錢白芍一兩車前子
二錢王不留行二錢麥冬一兩玄參二兩水煎服四

愈劑

婦人有帶下色黃者宛如黃茶濃汁其氣帶腥人以爲脾
經之溼熱誰知是任脉之溼熱乎夫任脉本不能容水
如何溼氣入於中而化爲黃帶乎不知帶脉通於任脉
任脉直上走於唇齒唇齒之間原有不斷之泉下灌於
任脉使任脉無熱則口中津液盡化爲精以入於腎中
矣惟有熱以存於下焦之間則津不化精而化溼夫水
色白水色紅今溼與熱合欲變紅而不能欲返白而不
得煎熬成汁因變爲黃色矣黃乃土之色也真水真火

合而成丹邪水邪火合而成帶世人以黃帶爲脾之溼
熱單去治脾此黃帶之所以難痊也方用退黃湯治之
山藥一兩芡實一兩黃柏二錢車前子一錢白朮一錢
水煎服連用四劑無不全愈凡有白帶者俱可以此方
治之而治黃帶尤奏奇功蓋山藥芡實專補任脉之虛
又能利水加之白朮引入任脉之中更爲便捷所以奏
功甚速至所用黃柏清腎中之火腎與任脉相通同羣
共濟解腎中之火卽解任脉之熱矣

此症亦可用解帶

利溼湯治之

白菓茯苓各一兩澤瀉車前
子炒梔子各二錢水煎服

婦人有帶下色青者甚則色綠如綠豆汁稠黏不斷其氣
亦腥此肝經之溼熱也夫肝屬木木之色屬青帶下流
如綠豆之汁明是肝木之病但肝最喜水溼亦水也何
以竟成青帶之症不知水雖爲肝之所喜熱實爲肝之
所惡以所惡者合之所喜必有違其性者矣肝之性既
違則肝之氣必逆氣欲上升溼欲下降兩相牽掣必停
住於中焦之間於是走於帶脉從陰門而出其色青綠
者正乘肝木之氣也逆輕者熱必輕而色青逆重者熱

必重而色綠似乎治青者易治綠者難然而解其肝中
之火利其膀胱之水則帶病自愈矣方用逍遙散加減
治之茯苓五錢白朮五錢甘草五分陳皮一錢柴胡一
錢白芍五錢茵陳三錢炒梔子三錢水煎服二劑色淡
四劑青綠之帶絕不必多劑也夫逍遙散解鬱之方也
何取之以治青帶如是之神耶蓋肝經溼熱留之者因
肝氣之逆也逍遙散最解肝之逆氣逆氣平則溼熱難
留況益之茵陳之利溼梔子清熱肝氣清涼青綠之帶
何自來乎此方之所以奇而可用也倘僅治青帶惟以

利溼清熱爲事置肝氣於不問亦安有止帶之日哉

此症用利肝解

溼湯亦效

白芍二兩茯苓一兩乾鷄冠
花五錢炒梔子三錢水煎服



北京中醫藥大學圖書館藏
1994



血枯門

婦人有年未至七七之期經水先斷者人以爲血枯經閉
誰知是心肝脾之氣鬱乎人若血枯安能久延人世醫
見其經水不行謂其血枯其實非血枯乃血閉也且經
水非血也乃天一之水出之腎經之中至陰之精而有
至陽之氣故其色紅赤似血而非血也世人以經水爲
血此千古之誤倘果是血何不名之曰血水古昔至聖
糾呼經水者以出於腎經故以經名之然則經水早斷
似乎腎水之衰涸吾以爲心肝脾之氣鬱者何蓋腎水

之生不由於三經而腎水之化實關於三經也腎非肝
氣之相通則腎氣不能開腎非心氣之相交則腎氣不
能上腎非脾氣之相養則腎氣不能成倘三經有
之鬱則氣不入於腎之中腎之氣卽閉塞而不宣况三
經齊鬱縱腎水真足尙有格格難出之狀而腎氣原虛
何以購精盈滿化經水而外泄耶此經之所以閉有似
乎血枯耳治之法必須散三經之鬱大補其腎補腎之
中仍補其三經之氣則精溢而經自通也方用溢經湯
熟地一兩白朮一兩山藥五錢生棗仁三錢白芍三錢



當歸五錢丹皮二錢沙參三錢柴胡一錢杜仲一錢
參二錢水煎服連服八劑而經通矣服一月人健不
經閉兼易受孕此方心肝脾腎四經同治之藥補以通
之散以開之也倘徒補則鬱不開而生火倘徒散則氣
益衰而耗精設或用攻堅之味辛熱之品不特無益而
反害之也

此症用續補

湯亦效

人參二錢當歸五錢白芍三錢柴胡五分麥冬五錢
北五味十粒白朮一兩巴戟天五錢炒棗仁五錢紅
花五分牛膝一錢沙參
三錢水煎服十劑必通